



# ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

29 Հունվար, 2019 թ.  
№ 1 (1035)

Թերթի առաջին համարը լույս է տեսել 1965 թ. մարտի 11-ին  
երկշաբաթաբերթ • հրատարակման 53-րդ տարի

ԽԱՂՏՈՒ ԱՌԻՅԱՆԻ ԱՆՎԱՆ ԸՍԹՎԱԿԱՆ ԴԵՏԱԿԱՆ ՄԱՆԿԱՎԱՐՔԱԿԱՆ ՀԱՄԱԼՍԱՐԱՆԻ ԴԱՇՏՈՒԱԹԵՐԹ

## ՇՆՈՐՀԱՎՈՐ ՏՈՆԴ, ՀԱՅՈՑ ԲԱՆԱԿ

1992 թվականի հունվարի 28-ին ընդունվեց պատմական որոշում «Հայաստանի Հանրապետության պաշտպանության վերաբերյալ», որով էլ հիմք դրվեց հայոց ազգային բանակի ստեղծմանը:

Այսօր մենք ունենք մարտունակ բանակ, որն անցել է բազում փորձությունների միջով, հաղթահարել իր ճամփին հանդիպած խոչընդոտները:

Սահմանին կանգնած հայ զինվորը պատվով ու փառքով է պաշտպանում մեր հողն ու սահմանները, գիտակցում է իր պարտքը հայրենիքի հանդեպ և մեծագույն պատասխանատվությամբ է վերաբերվում իր ծառայությանը:

Շնորհավո՛ր տոնդ, հայոց բանակ, շնորհավո՛ր տոնդ, հայ զինվոր: Թող քո ծառայությունը մշտապես լինի սուրբ պարտականություն հայ ազգի ու նրա հարատևող պատմության հանդեպ: Խաղաղ արշալույսներ քեզ և անփորձանք ծառայություն:



## ԲՈՒՇԻ ԵՐՋԱՆԱՎԱՐՏԸ՝ ՀՈԳԱԲԱՐՁՈՒՆԵՐԻ ԽՈՐՀՐԴԻ ՆԱԽԱԳԱՀ

Մանկավարժական համալսարանում հունվարի 25-ին տեղի ունեցավ հոգաբարձուների խորհրդի նիստ, որը բացեց բուհում 30 տարի աշխատած արվեստագիտության դոկտոր Հրավարդ Հակոբյանը: Օրակարգում 2018 թվականի հաշվետվությունն էր և խորհրդի նախագահի ընտրությունը:

Խորհրդի նախագահի համար առաջադրվեց ՀՀ ԿԳ նախարարության Լեզվի պետական կոմիտեի նախագահ Դավիթ Գյուրջինյանի թեկնածությունը, ում օգտին էլ ներկայացրեց բաց քվեարկությամբ միաձայն քվեարկեցին, իսկ խորհրդի քարտուղար ընտրվեց ՀԴՄՀ Կրթության հոգեբանության և սոցիոլոգիայի ֆակուլտետի մագիստրատուրայի 1-ին կուրսի ուսանողուհի Անժելա Գաբրիելյանը:

Դավիթ Գյուրջինյանը հանգամանորեն ներկայացրեց իր կենսագրությունն ու գիտական գործունեությունը: Նա ծնվել է 1962 թվականին Երևանում, ոսկե մեդալով

ավարտել է դպրոցը և ընդունվել Մանկավարժական համալսարան: Բուհն ավարտելուց հետո իր գործունեությունը շարունակել է այստեղ, պաշտպանել թեկնածուական: Տարբեր տարիների աշխատել է նաև Վ. Բրյուսովի անվան լեզվաբանական համալսարանում և Գևորգյան ճեմարանում: Այժմ Լեզվի պետական կոմիտեի նախագահն է:

Խորհրդի նորընտիր նախագահը հպարտությամբ բարձրաձայնեց, որ ինքն այս հեղինակավոր բուհի շրջանավարտն է, շնորհակալ է իր դասախոսներից, որոնց շնորհիվ այսօր տեղ է զբաղեցնում հայագիտության ոլորտում:

«39 տարի անց ինձ ընտրում են Մանկավարժական համալսարանի Հոգաբարձուների խորհրդի նախագահ, շնորհակալ եմ, կփորձեմ պարտքերս հետ տալ», - ասաց բուհի հետ մշտապես կապը պահպանած գիտնականը՝ վստահեցնելով, որ այս պաշտոնում > 2



Ս է Ն Չ Ը  
Կասաչո — ցրեկչյասն



## ԴԵՌ ԸՎԱՍՏԱՄ

Դու՛ փորձաքար իմ ժողովուրդ...  
Ինչքան էլ որ խոր մոլորվես,  
Երկրպագես կուռքերին սուտ,  
Ես մոր նման ներում եմ քեզ:

Դու՛ տաքզուխ Սասնա Դավիթ,  
Դու՛ իմաստուն Սասնա Միեր,  
Թեկուզ և ծեր ու ալեհեր,  
Բայց մնում ես դու միամիտ:

Հավատացիր, թե հիրավի  
Գարին դարձավ ընկուզաչափ,  
Ու դուրս եկար քարանձավից  
Ու խաբվեցիր դու չարաչար:

Այնքան դառն է կյանքդ ու գորշ,  
Ու գալիքդ իրականում,  
Որ փակում ես աչքդ ու քո  
Խաբկանքին ես ապավինում:

Ու տեսնում ես ամեն ինչ վառ,  
Թև ես առնում չեղած տեղից,  
Նորոգվում ես բնագդաբար  
Ու հառնում ես մոխիրներից:

Քո խաբվելն է քեզ պահպանում,  
Ու հին խոսքդ՝ «Աստված կտա».  
Դու՛ մի՛ֆերով ապրող մանուկ,  
Դեռ հավատա՛, դեռ հավատա՛...

# ԲՈՒՇԻ ԵՐՋԱՆԱՎԱՐՏԸ՝ ՀՈԳԱԲԱՐՁՈՒՆԵՐԻ ԽՈՐՀՐԴԻ ՆԱԽԱԳԱՀ



➤ 1 արդեն իր հանդիպումները ՀՊՄՀ ղեկավարության, դասախոսական կազմի և ուսանողության հետ պարբերական կլինեն և իր նպաստը կբերի համալսարանի առաքելության իրականացմանը:

«Դավիթ Գյուրջիյանին այսօր վստահված է իրականացնելու լեզվի պետական քաղաքականությունը և նրա ներկայությունն ու դերակատարությունը այս կարևոր կառույցում լիովին համապատասխանում է բուհի բարի համբավին ու առաքելությանը», -ասաց Խորհրդի անդամ, ՀՊՄՀ հեռուստառադիոլրագրության ամբիոնի վարիչ Լևոն Գալստյանը:

Դ. Գյուրջիյանի գիտամանկավարժական գործունեության և մարդկային որակների մասին խոսեցին նաև ներկա գտնվող գործընկերները՝ փաստելով նրա մեծ ավանդը լեզվաբանության ասպարեզում:

«Համոզված եմ, որ Ձեր աշխատանքը բեղուն կլինի և համծին Ռուբեն Միրզախանյանի ձեր կողքին կունենաք

հմուտ ղեկավարի և լավ գիտնականի», - նորընտիր նախագահին դիմեց Հրավարդ Հակոբյանը:

Խորհրդի նորընտիր նախագահին շնորհավորեց նաև Մանկավարժական համալսարանի ղեկավոր Ռուբեն Միրզախանյանը. «Մեծ պատիվ է մեծանուն, ազնիվ գիտնականին և բուհի շրջանավարտին տեսնել այս կարևոր ու պատասխանատու պաշտոնում»:

Խորհրդի անդամները դիտեցին 2018 թվականին բուհում կատարված աշխատանքների մասին պատմող տեսաֆիլմ, այնուհետև լսեցին ՀՊՄՀ ղեկավոր Ռ. Միրզախանյանի հաշվետվությունը բուհում կատարված աշխատանքների, ֆինանսական ելքերի և մուտքերի, դրանց դինամիկայի և տարբեր տարիների հետ համեմատությունների մասին: Ձեկուցողը ընդգծեց, որ ծախսերի «առյուծի բաժինը» կազմում է աշխատավարձը:

Ռեկտորը խոսեց վերջին տարիներին համալսարանում ուսման վարձերի պահպանման, դասախոսների չկրճա-

տելու միտումով ծավալների իջեցման, աշխատողների բժշկական ապահովության, միջազգային կապերի ընդլայնման, ֆինանսների նպատակային օգտագործման, բարձր հարկերի, հանրակացարանային շենքի կառուցման անհրաժեշտության և այլ հարցում արտերկրից ներդրողների հետ բանակցությունների և այլ կարևոր հարցերի շուրջ:

Ռեկտորը տեղեկացրեց, որ համալսարանի Գիտական խորհուրդը ուսման վարձերը միջինը 30 տոկոսով բարձրացնելու որոշում է կայացրել՝ հաշվի առնելով ֆակուլտետների առանձնահատկությունները և նկատի ունենալով ուսանողների՝ տարեցտարի նվազող քանակը:

Ներկաները տարբեր հարցեր ուղղեցին Ռ. Միրզախանյանին. դրանք վերաբերում էին միջազգային գործունեության արդյունքում ձեռքբերումներին, շրջանավարտների զբաղվածության վիճակագրությանը, հետավար կրթության կազմակերպմանը, պրակտիկայի բարեփոխումներում նոր մոդելների մշակմանը, բուհը գրավիչ դարձնելուն, վարձավճարների բարձրացման ռիսկերին և այլն:

Ռուբեն Միրզախանյանը համոզիչ փաստարկներով ներկայացրեց բուհի կարևոր ձեռքբերումները՝ պատասխանելով Խորհրդի նոր անդամների՝ ՀՀ ԿԳ փոխնախարար Արևիկ Անափոսյանի և մյուսների հարցերին:

Օուլուի համալսարանի հետ համագործակցության արդյունքում վերանայվել են ուսումնական ծրագրերը, իմաստություններ փոխառված հանդեսն ընդգրկվել է միջազգային գիտաչափական շտեմարանում, ուսումնական ծրագրերը թարգմանվելու քայլեր են ար-

վում՝ օտարերկրյա դիմորդներ ներգրավելու համար:

Համալսարանի առաջընթացի ու զարգացումների մասին խոսեցին գիտահետազոտական կենտրոնի տնօրեն Կամո Վարդանյանը և ուսանողուհի Անժելա Գաբրիելյանը:

Մանկավարժության ոլորտում խնդիրներ կան, իսկ անելիքները շատ են, դրանք պետք է լուծել համատեղ ջանքերով: Միանգամայն տեղին նկատեց բուհի ղեկավորը՝ ուսուցիչների և դասախոսների աշխատավարձերը չեն համադրվում նրանց աշխատանքի բովանդակությանը:

Խորհրդի անդամները ցանկություն հայտնեցին հանդիպումները դարձնել պարբերական՝ քննարկելու լավ աշակերտ և ուսուցիչ ունենալու հարցի շուրջ անելիքները, ցուցաբերելու պետական մոտեցում այդ խնդրին:

Նիստի ավարտին մանկավարժական համալսարանի Խորհուրդը 2018-ին կատարված աշխատանքները գնահատեց բավարար, ինչպես նաև հաստատեց համալսարանի 2019-ի եկամուտների և ծախսերի տարեկան նախահաշիվը, հակակոռուպցիոն ռազմավարության ծրագիրն ու 2018-ի հակակոռուպցիոն ռազմավարության իրականացման հաշվետվությունը:

Մանկավարժական համալսարանն այսուհետև ևս կշարունակի զարգացումներ արձանագրել ժամանակին համաքայլ փոքր, բայց հաստատուն քայլերով կերտելով մանկավարժական կարգեր պատրաստող կրթական հաստատության իր առաքելությունը:

Սիլվա ԱՄՐՅԱՆ

## ՍՓՅՈՒՌ-ՀԱՅԱՍՏԱՆ

# «ԲՈՒՎԵՅԹԻ ՀԱՄԱՅՆՔԸ ՍՓՅՈՒՌ-ՔՆԵՐԻ ՍՓՅՈՒՌ-ՔՆ Է»,

-ասում է Կարո Արսլանյանը

**Մեր հարցազրույցը Մասնագիտական կրթության և կիրառական մանկավարժության ամբիոնի մագիստրատուրայի 2-րդ կուրսի ուսանող, սիրիահայ, Քուվեյթի ազգային վարժարանի փոխտնօրեն Կարո ԱՐՍԼԱՆՅԱՆԻ հետ:**

**- Մի փոքր կատարե՞ք Ձեր մասին:**

- Բնիկ սիրիահայ եմ, ծնվել եմ Հալեպում, կրթությունս ստացել եմ Քարեն Եփիե ազգային վարժարանում, որը պատմության մեջ ծանրակշիռ ավանդ ունի, սպա ընդունվել և ավարտել եմ Սիրիայի պետական համալսարանի (Հալեպ) քիմիագիտական ֆակուլտետը: Աշխատանքի եմ անցել Քարեն Եփիե վարժարանում որպես քիմիայի և ֆիզիկայի ուսուցիչ: Չորս տարի Հալեպում աշխատելուց հետո հրավիրվել եմ Քուվեյթի դպրոց՝ վարչական աշխատանքի: 12 տարի աշխատել եմ որպես փոխտնօրեն, նաև հայոց լեզվի և գրականության, պատմության ուսուցիչ: Չգարմանաք, որ համարել եմ բնական և հումանիտար գիտությունները: Տարիներ շարունակ ես զբաղվել եմ գրականության, սփյուռքյան մամուլում հանդես եմ եկել հոդվածներով, ունեմ նաև բանաստեղծությունների գիրք:

**- Պատմե՛ք, խնդրեմ, Քուվեյթի կրթական հաստատության մասին: Ովքե՞ր են սովորում այստեղ, ի՞նչ ծրագրերով ու դասագրքերով: Եվ, ընդհանրապես, ի՞նչ դեր ունի Սփյուռքում այդ հաստատությունը:**

- Նախ պետք է անդրադառնալ Քուվեյթի պատմությանը: Այսպիսի խոսք կա՝ Քուվեյթի համայնքը սփյուռքների սփյուռքն է, որովհետև Քուվեյթը անապատային վայր է և այնքան էլ հարմար չէ բնակվելու համար: Սահմանակից է Իրաքին: Սկզբնական շրջանում Իրաքի Բասրա քաղաքից, որը շատ մոտ է Քուվեյթին, մի խումբ հայեր 1940-ական թվականներին եկել հաստատվել են Քուվեյթում և հիմնականում զբաղվել են նավթի և մեքենաների վերանորոգման աշխատանքներով: Ժամանակի ընթացքում՝ 50-ականներին կեսերին, Լիբանանից և Սիրիայից, մանավորապես Հալեպից, մի խումբ տղամարդիկ եկել են Քուվեյթ աշխատելու: Երիտասարդների մտահղացմամբ և Լիբանանից ժամանած Տեր Պարույր քահա-



նա Սարգսյանի ջանքերով ստեղծվել է դպրոց և նրա կողքին՝ եկեղեցի:

Դպրոցը նախապես եղել է մանկապարտեզ՝ նախադպրոցական և մինչև միջին դասարանի աշակերտների հաստատություն: 1983-ից հետո ավագ դպրոցի անհրաժեշտություն զգացվեց: Մեր բոլոր ուսուցիչները մեծ մասամբ գալիս են Սիրիայից: Բոլոր տնօրենները կամ Սիրիայից, կամ Լիբանանից ժամանած ղեկավարներ են:

Դպրոցի ուսուցչական կազմը մեծամասամբ հայեր են՝ հիմնականում եկած Սիրիայից, նաև Լիբանանից, բայց թվաքանակով, քիմիայի, ֆիզիկայի առարկաները երբեմն դասավանդում են ոչ հայեր, որոնք արաբ սիրիացիներ են:

**- Ի՞նչ դասագրքերով են դասավանդվում հայերեն առարկաները:**

- 12 տարի այնտեղ լինելով, կասեմ, որ սկզբում, 1-6-րդ դասարաններում, մենք դասավանդում էինք հայտնի լեզվաբան, պատմաբան, քեսաբահայ հայտնի մտավորական Հակոբ Չոլաքյանի, այնուհետև՝ Մուշեղ Իշխանի դասագր-

քերով: Սակայն սիրիական պատերազմի պատճառով մենք սիրիահայ Հ. Չոլաքյանի բոլոր դասագրքերը փոխեցինք Կարո Առաքելյանի և նրա կնոջ՝ Աղավնի Ֆստքյանի դասագրքերով: Առավել հիմնավոր պատճառն այն էր, որ փակվեցին Սիրիայի սահմանները և Հ. Չոլաքյանի գրքերը բերել հնարավոր չէր: Այդ գրքերը, պետք է ասել, մեզ շատ օգնեցին: 2011 թվականից մենք արդեն փոխել ենք մեր դասագրքերը և անցում ենք Կարո Առաքելյանի դասագրքերով: Այդ բոլոր գրքերն, անշուշտ, գրված են արևմտահայերեն լեզվով:

**- Իսկ ո՞րն են գնում Ձեր շրջանավարտները:**

- Տարեկան ունենում ենք 20-30 շրջանավարտ: Երբ հիմնադրում էինք ավագ դպրոցը, մենք ընտրեցինք Քուվեյթի պետական ծրագիրն արաբերեն լեզվով, որովհետև ավարտելուց հետո մեր բոլոր շրջանավարտները մեկնում են Սիրիա, որտեղ կրթական համակարգը մինչև այսօր գրեթե անվճար է: 80-90 տոկոսը գնում էր Սիրիա, որտեղ կրթական մակարդակը շատ բարձր է: Սակայն վերջին շրջանում նկատեցինք, որ սիրիական պատերազմի պատճառով մեր շրջանավարտները կամ գալիս են Հայաստան, կամ նախընտրում են Ամերիկան, կամ մի այլ երկիր: Ովքեր նյութական հնարավորություններ ունեն, մնում են երկրում և շարունակում կրթությունը անգլերեն լեզվով:

Մեր հաստատությունը կոչվում է Քուվեյթի ազգային վարժարան՝ 10,11,12-րդ դասարաններով: Մի շենքում մենք ունենք երկու դպրոց. Միացյալ վարժարան, որը ավագ դպրոցն է՝ Քուվեյթի պետական ծրագրով, արաբերեն լեզվով, և ունի իր հատուկ համակարգը, մյուսը՝ միջին և տարրական դպրոցն է, որը կոչվում է հայկական դպրոց. այստեղ մենք ավելի ազատ շարժվելու՝ մեր ժամանակացույցերը կազմելու հնարավորություն ունենք:

**- Ինչպիսի՞ն է տեղի հայկական համայնքը: Որքա՞ն հայ է ապրում Քուվեյթում:**

- Մեր համայնքը նաև կոչվում է Քուվեյթի և շրջակայից հայոց թեմ, որ ենթակա է ուղղակի Ամթիլիսի կաթողիկոսությանը: Ինչու շրջակայից, որովհետև այստեղ ընդգրկված են նաև հարակից Բահրեյնի 200-300 հայեր: Ցավոք, Բահրեյնի մեջ մենք չունենք ոչ դպրոց, ոչ էլ եկեղեցի: Այնտեղ Սրբազան հայրը ամիսը մեկ անգամ պատարագ է մատուցում, կազմակերպում ընկերային հավաքներ: Մեր թեմը ավելի կայուն է, տարիների ընթացքում դարձել է 4 հազար հայություն, նախքան իրաքյան ներխուժումը եղել է 10 հազար հայ: Շատերը > 3



**Լույս է տեսել ՀՊՄՀ ռեկտոր, պատմական գիտությունների դոկտոր, պրոֆեսոր Ռուբեն Միրզախանյանի «ԿՐԹԱՄՇԱԿՈՒԹԱՅԻՆ ԿՅԱՆՔԸ ԽՈՐՀՐԴԱՅԻՆ ՀԱՅԱՍՏԱՆՈՒՄ 1920-1932 ԹԹ.» գիրքը:**

Գիրքը հրատարակվել է Խ. Աբովյանի անվան հայկական պետական մանկավարժական համալսարանի գիտական խորհրդի որոշմամբ և նախատեսված է պատմաբանների, մշակույթի գործիչների, ուսանողների, ընթերցողների լայն շրջանի համար:

Աշխատանքում ներկայացված են մշակութային կյանքի առանձնահատկությունները Հայաստանում խորհրդային իշխանության առաջին տարիներին: Մի կողմից՝ ուշադրություն է հատկացվել խորհրդային պետական գործիչների՝ մշակույթի համոզելու ունեցած առանձնահատուկ վերաբերմունքին, մյուս կողմից՝ ընդգծվել է կոմունիստական գաղափարախոսության առկայությունը մշակութային կյանքում: Արժևորված են մշակույթի ասպարեզում ունեցած ձեռքբերումները, որոնք հիմք հանդիսացան ոլորտի հետագա զարգացման համար:

Գրքի առաջաբանում, որը գրել է պատմական գիտությունների դոկտոր Ամատունի Վիրաբյանը, կարդում ենք. «1920-1930-ական թվականներին, ինչպես ողջ խորհրդային Միությունում, այնպես էլ նրա մասը կազմող խորհրդային Միությունում տեղի ունեցավ հզոր մշակութային տեղաշարժ: Երկու տասնամյակների ընթացքում մշակութային վերափոխումները փոխեցին միլիոնավոր մարդկանց առօրյա կյանքը: Անհավատալի կարծ ժամանակամիջոցում մարդկանց նյութական հնարավորությունները դադարեցին արգելք հանդիսանալ շփվելու մշակույթի հետ, այդ շփումը դադարեց կախված լինել մարդկանց սոցիալական և մասնագիտական կարգավիճակից: Եվ ծավալի, և քափի առումով այդ փոփոխությունները իրոք կարելի է համարել համաժողովրդական «կուլտուրական հեղափոխություն»:

Քննարկվող ժամանակաշրջանում երկրում մշակութային կյանքի զարգացումն ունեցել է բարդ և հակասական բնույթ: Սակայն դրա հետ մեկտեղ մշակութային կյանքի մի շարք բնագավառներում ձեռք բերվեցին նշանակալից հաջողություններ: Դրանց թվին առաջին հերթին դասվում է կրթության ոլորտը:

Ռուսական կայսրությունից պատմական ժառանգություն էր մնացել անգրագետ բնակչության մի հսկա զանգված: Մինչդեռ երկրի արագ ինդուստրացման անհրաժեշտությունը պահանջում էր մեծ թվով գրագետ ար-

տադրական աշխատողներ: Խորհրդային իշխանությունների նպատակամղված ջանքերը, որ սկսվեցին 1920-ական թվականների կեսերից, հանգեցրին նրան, որ երկրում, այդ թվում Հայաստանում գրագետ բնակչության ծավալը անընդհատ աճում էր: 1939 թ. Հայաստանում մինչև 50 տարեկան բնակչության շրջանակներում գրագետներն արդեն կազմում էին մոտ 85 տոկոս:

1920-ական թվականներին սկսեց ձևավորվել խորհրդային գրականությունը: Դրա կայացման ճանապարհին ձևավորվեցին տարբեր ուղղություններ ու խմբակներ: Սակայն 1930-ական թվականների սկզբներին ազատ ստեղծագործող խմբակների և խմբերի գործունեությունը դադարեցվեց: ՀամԿ(Բ)Կ Կենտկոմի 1932 թ. ապրիլի

23-ի որոշմամբ դրանք լուծարվեցին, իսկ 1934 թ. խորհրդային գրողների 1-ին համամիութենական համագումարում կազմավորվեց գրողների միություն, որտեղ ստիպված էին մտնել բոլոր այն մարդիկ, որոնք զբաղված էին գրական աշխատանքով: Գրողների միության անդամ չլինել էր կարելի. Այդ դեպքում զրկվում էին հրատարակվելու հնարավորությունից:

Գրողների միությանը զուգահեռ ստեղծվեցին ստեղծագործական այլ միություններ՝ «Նկարիչների միություն», «Ճարտարապետների միություն», «Կոմպոզիտորների միություն»: Խորհրդային արվեստում սկսվեց միօրինակաբարության ժամանակաշրջանը:

Այս և 1920-30-ական թվականների խորհրդային մշակութային կյանքի բազմաբնույթ ելևէջներին է նվիրված պատմական գիտությունների դոկտոր Ռուբեն Միրզախանյանի սույն ուսումնասիրությունը: Հեղինակը հիմնականում նորահայտ արխիվային փաստաթղթերի և այլ նյութերի հիման վրա ներկայացնում է այն դժվարին և բարդ ուղին, որով անցել է խորհրդային մշակույթն իր կայացման առաջին տասնամյակի ընթացքում: Ճանաչված մշակութային գործիչների կողքին ձևավորվում էր նոր խորհրդային մտավորականությունը իր ուրույն աշխարհայացքով, 1920-ական թվականների հարաբերական ազատությամբ, որ, սակայն, կամաց-կամաց բախվելու էր կոմկուսակցության հարձակողական գաղափարախոսության հետ: Այնուհանդերձ, առկա էր մշակութային կյանքի հզոր վերելքը, որը լավագույնս արտացոլված է Մարիետա Շահինյանի հետևյալ տողերում. «Ստեղծագործաբար օժտված առանձին անձնավորությունների ջերմ ռոմանտիզմով, որոնք ոչ միայն մեր միության, այլև Եվրոպայի ու Ամերիկայի բոլոր ծայրերից հավաքվել էին Արարատի երկու գլուխների հովանու տակ փոփոխ փոքրիկ, դեղին, ամայի, քաղաքում՝ նախկին գավառական երևանում: Այդ մարդիկ... երազում էին իրենց ստեղծագործական եռանդով և շինարարության պաթոսով համակված՝ երիտասարդ խորհրդային իշխանությանը ցույց տրվող իրենց օգնությամբ Հայաստանի մշակույթի հիմքերը դնել արվեստի ու տեխնիկայի բոլոր բնագավառներում»:

**ՔՈՒՎԵՅԹԻ ՀԱՄԱՅՆՔԸ...**

➤2 հեռացան տարբեր երկրներ իրարանցիկ ներխուժումից հետո, և այսօր մեր թիվը նույնպես է:

**- Իսկ ի՞նչ խնդիրներ ունեք դպրոցում, դրանք լուծելի՞ են...**

- Այսօրվա կրթահամակարգը անբողջ աշխարհում կտրուկ փոփոխվել է, մանկավարժական աշխարհում ևս կրթական տեխնոլոգիաները նոր, կտրուկ շրջադարձ են կատարել: Դպրոցի տնօրեն դուրս էր ելնում Սարգսյանի գլխավորությամբ մենք փորձում ենք կապեր ստեղծել Հայաստանի քույր դպրոցների հետ, մասնավորապես Ամանիա Շիրակացի ծննդավայրի հետ, որը կրթական բավականին մեծ ճանապարհ է անցել: Նոր քայլեր, մեթոդական աշխատանքներ ենք ձեռնարկել, հետևաբար այս ուղղությամբ դպրոցում կազմակերպել ենք մանկավարժական սեմինարներ, հատուկ հանդիպումներ Շիրակացի դպրոցի աշխատակազմի հետ, հրավիրել ենք փոխտնօրենին:

Ամենակարևորը նյութական խնդիրն է, թեև մեր դպրոցը ինքնաբավ է: Մեզ մոտ ուսումը վճարովի է:

**- Սփյուռքահայերը ցանկություն ունեն՞ք վերադառնալու նոր Հայաստան:**

- Այո, վերադառնալու միտումը նկատելի է: Առայժմ Քուվեյթից և Միդիայից մի խումբ շինարարներ Հայաստանում՝ Վերին Անտառայինի տարածքում շինարարական աշխատանքներ են կատարում: Նրանցից շատերը Հայաստան են բերել նաև իրենց ընտանիքների անդամներին: Չեն կարող ասել՝ վերջը ինչպես կլինի, նրանք վերջնականապես կհաստատվեն՞ Հայաստանում՝ ցույց կտա ժամանակը:

Ես էլ ընտանիքս մի քանի տարի է՞ փոխադրել են Երևան, և երբիսա սովորում է Ամանիա Շիրակացու դպրոցում: Ես առայժմ աշխատում եմ Քուվեյթի դպրոցում, գալիս-գնում եմ:

**- Ո՞ր առանձնահատկություններով**

**են հատկապես տարբերվում Սփյուռքի և Հայաստանի հայերը:**

- Կենցաղային տարբերություններ կան, բայց հարստությունը բազմերանգությամբ մեջ է:

Այսօր մեր ժողովրդի մեջ խանդավառություն կա: Բայց գիտականությամբ պետք է վերաբերվել իրականությանը: Ես որպես մարդ և մանկավարժ՝ լավատես եմ. Հայաստանում եղածը ողջունելի քայլ է, բայց ոչ անբողջական: Մեզ ինքնահաստատում է պետք, որքանով ենք մենք տիրապետում իրականությանը... Ես հավատում եմ, որ երկխոսությունն է բոլոր հարցերը լուծելու և հարթելու իրական ճանապարհը:

Մենք պետք է ունենանք մեր յուրահատկությունը, և այդ յուրահատկությունը մեր ազգային ժառանգությունն է: Որովհետև մենք փոքր ենք թվով, սակայն մեծ ենք ազգային մշակույթով:

**- Դուք ՀՊՄՀ հայցորդ եք: Ինչո՞ւ եք ընտրել հենց տարրական մանկավարժություն և մեթոդիկա մասնագիտությունը:**

- Ես 10 օրից ավարտում եմ խաչատուր Աբովյանի անվան հայկական պետական մանկավարժական համալսարանի մագիստրատուրան. թեզս արդեն պատրաստ է: Դեկավարս պրոֆեսոր Արդա Թովուզյանն է: Մեծ ցանկություն ունեմ Սփյուռքի կրթական ծրագրում կտրուկ փոփոխություններ անել, որովհետև մեր ծրագրերը նոր իրականության հետ ադեքվատ չլուծվեցին:

Նաև ծանոթ էի բուհի թերթին, բայց ժամանակ չէի գտնում հանդիպելու. այնքան զբաղված եմ, մեկ ամսվա մեջ արդեն երրորդ ամսամ Հայաստան եմ գալիս:

Ուզում եմ համալսարանի աշխատակազմին և թերթին մաղթել հաջողություններ:

Զրույցեց Սիլվա ԱՄՐՅԱՆԸ

**ԼՈՅՍ Է ՏԵՍԵԼ ԱՊԱՋԻՆ ՀԱՆՐԱԴԵՏՈՒԹԵԱՆ 100-ԱՄԵԱԿԻՆ ԼՈՒԻՐՈՒՄԻ ԳԻՏԱԺՈՂՈՎՆԻԹԵՐԻ ԺՈՂՈՎԱԾՈՒՆ**

Խ. Աբովյանի ան. Հայկական Պետական Մանկավարժական Համալսարանի Վ. Պարտիզոնու անուան հայ մոր եւ նորագոյն գրականութեան եւ նրա դասաւանդման մեթոդիկայի ամբիոնը եւ «Սփիւռք» Գիտաուսումնական կենտրոնը լոյս են ընծայել 2018 թ. Մայիսի 18-ին կայացած Հայաստանի Առաջին Հանրապետութեան 100-ամեակին նուիրուած գիտաժողովի նիւթերի ժողովածուն:

Այն բաւական ընդգրկուն է. համապարփակ կերպով ներկայացնում է Հայաստանի Առաջին Հանրապետութեան գրամշակութային, կրթական կեանքը, պատմական-քաղաքական հարուստ իրադարձութիւնները:

Հայ մոր եւ նորագոյն գրականութեան եւ նրա դասաւանդման մեթոդիկայի ամբիոնը ներկայացնող գեղուցողները (Ս. Դանիէլեան, Մ. Գիլաւեան, Ն. Խաչատրեան, Լ. Գալստեան, Զ. Աբրահամեան) մանրամասնօրէն քննութեան են ենթարկել Առաջին Հանրապետութեան շրջանի գրական եւ մշակութային կեանքը, բացայտել քաղաքական իրադարձութիւնների գեղարուեստական արձագանգները: Կրթական համակարգի իւրայատկութիւններին, մանկավարժական նոր մօտեցումներին եւ ժամանակի մեծագոյն մանկավարժների աւանդին են անդրադարձել ՀՊՄՀ Մանկավարժութեան տեսութեան եւ պատմութեան (Լ. Ասատրեան, Մ. Ասատրեան) եւ Մասնագիտական կրթութեան եւ կիրառական մանկավարժութեան ամբիոնների ներկայացուցիչները (Ա. Թո-



փուլեան, Գ. Յարութիւնեան): Նշենք, որ ժողովածուն ընդգրկուած են Ս. Նալբանդեանի ան. Շիրակի Պետական Համալսարանից Գ. Խաչիկեանի, Վանաձորի Յովհ. Թումանեանի ան. Պետական Համալսարանից Վ. Փիլոյեանի յօդուածները:

Ժողովածուն հրատարակութեան է պատրաստել «Սփիւռք» Գիտաուսումնական կենտրոնը (պատասխանատու խմբագիր՝ Սուրեն Դանիէլեան):

ՆԵԼԼԻ ԹԱԴԵՈՍԵԱՆ

**Թամարա Արմենակի Նազարյանը խաչատուր Աբովյանի անվան հայկական պետական մանկավարժական ինստիտուտի պատմաբանասիրական ֆակուլտետն ավարտեց 1961 թվականին և վերադարձավ հայրենի Արմավր քաղաք (Ասկերանի շրջան), որտեղ ավարտել էր միջնակարգ դպրոցը:**

Երբ ընտանիքը տեղափոխվեց Աբովյանի շրջանի Գետաշեն գյուղ, որտեղ Թամարան սկսեց դասավանդել տեղի դպրոցում:

Ազգային ազատագրական զարթոնքի նախաշեմին՝ 1982 թվականին, Թամարայի ընտանիքը տեղափոխվեց Արցախ՝ Ասկերանի շրջանի Խրամորթ գյուղը:

1988-ին Հայաստանում միտինգներ ու ցույցեր էին տեսնվել, իսկ Աղդամի սահմաններում անհանգիստ էր. սահմանամերձ գյուղերում թուրք ազերիները պարբերաբար փորձում էին թափանցել հայկական բնակավայրեր: Ահա ինչու մերձակա բարձունքներում գիշերները ինքնապաշտպանական ջոկատներ էին հերթապահում, և Թամարան հերթափոխում էր, բոլորի կողքին:

Հատկանշական է մի դեպք, երբ 1992 թվականի մայիսի 10-ին Աղդամի կողմից ուժեղ արձակում



հայրենի ծեռքին էր: Թամարան իր ընկերների հետ հրժվում էր՝ նկատելով թշնամու փախուստը:

Միայն թե հերոս կինը չկարողացավ իրականացնել իր նպատակը՝ հետ բերել 73-ամյա մորը, որին գերի էին վերցրել ադրբեջանցիները 1992-ի կոմիտեի ընթացքում:

Արմավր-Նախիջևանի, Ավդալ-Գյուլափիլու, Կուրապատկինո-Մուղանլու, Ամիրանլար-Խորամորթ, Ասկերան-Աղդամ, Աթափուլու մարտական փառահեղ ուղին հիմա հուզմունքով է հիշում մանկավարժ Թամարան: Աթափուլում նա վիրավորվեց ոտքից: Բայց քաջ կինը հայրենիքին ծառայեց մինչև վերջ՝ 1996-ի գարունը, նորից անցնելով մանկավարժական աշխատանքի:

Նա հաճախ է այցելում Մանկավարժական համալսարանի թերթի խմբագրություն, թղթակցում թերթին՝ պատմելով իր անցած փառավոր ուղուց որոշ դրվագներ: Չի մոռանում նաև կրթական այն հաստատությունները, որտեղ աշխատել է: Դեռ հուզմունքով ու սիրով է հիշում Երևանի Խ. Աբովյանի անվան № 1 դպրոցի 1987 թվականի տնօրենին, 10-րդ դասարանի աշակերտներին, հատկապես Նորքի զանգվածից եկող Գագիկին, հմ. 84 դպրոցի 2-րդ դասարանցի Լիլիթին:

Թերթի միջոցով նա իր պատգամն է հղում մանկավարժական մեծ բանակին և հորդորում. «Համբերատար տարեք երեխաների չարածիությունները, ուսուցանեք այնպիսի իմաստուն ձիրքով, որ աշխարհին պարզվեք լուսավոր կյանք, ապրեք ազատ ու անվախ, ստեղծեք համերաշխ երկիր ու ապրեք ինչպես մի ընտանիքում»:

53-րդ ջոկատի 4-րդ զննի շարքային հրաձիգ, մախկին մանկավարժ Թամարան կրում է հայրական ազգանունը՝ Նազարյան, իսկ Միմասյանը այն կնոջ ազգանունն է, որի հոգեզավակն է ինքը:

Թամարան հայ կնոջ օրինակելի կերպար է, որով հպարտանում են և հայրենի Արցախում, և՛ Խ. Աբովյանի անունը կրող բուհական հաստատությունում:

## ՈՒՍՈՒՑԻՉ ԱԶԱՏԱՄԱՐՏԻԿԸ

սկսվեց, և հայկական ջոկատն ընկավ շրջափակման մեջ: Օրհասական վիճակում կամ պետք է գերի ընկնեին, կամ ճեղքեին թշնամու օղակը՝ կռվելով մինչև վերջին փամփուշտը: Այս դեպքում գոհվել էր փրկութունը՝ գերի չընկնելու համար: Սակայն տեղանքին դեռ մանկուց լավ ծանոթ մանկավարժ Թամարա Նազարյանը հմտորեն ղեկավարեց նահանջը՝ առանց գոհերի ջոկատը դուրս բերելով պաշարումից: Բայց Թամարան ենթարկվեց կոնտուզիայի:

Թամարան տարբեր ջոկատների կազմում մասնակցեց մի շարք գյուղերի ազատագրման մարտերին, թրժվեց մարտերում, հիանալի տիրապետելով ռազ-

մական տեխնիկային: Նաև բախտ ունեցավ հանդիպել լեգենդար Մոնթին:

Թաքցնելով իր տարիքը՝ Թամարան շարունակեց իր պայքարը Արցախի արդեն կազմավորվող ազգային բանակի շարքերում: 1993-ի հունիսի 12-ին հրամանատար Մոնթեի գոհվելու պատճառով Մարտունու զորամասի մարտական նախաձեռնությունը ծախողվեց, բայց հայկական նահանջող կողմին հաջողվեց Ասկերանի մոտ կանգնեցնել թշնամուն: Թամարան այս մարտերում շատերի կյանքը փրկեց, օգնեց նահանջը կազմակերպելուն:

Նոր հակահարձակումներից հետո Աղդամն այլևս



## «ՄԵՐ ՀԱՅՐԵՆԻՔԸ ՍԿՍՎՈՒՄ Է ՍԱՀՄԱՆԻՑ», - ասում է ժամկետային զինծառայող Վարդան ԳԱԼՍՅԱՆԸ

**զինվորական պատրաստություն (ՆԶՊ) ինչ էս կարծում, այն պատանիներին պատրաստում է բանակային ծառայությանը:**

- Իհարկե, դպրոցն օգնում է լավ քաղաքացի դառնալուն: Բայց ես կարծում եմ շրջապատն ավելի է կոփում մարդուն, դարձնում խելացի ու խոչընդոտներ հաղթահարող անձ:

**- Ի՞նչ կամային որակներ են պետք պարտադիր ժամկետային ծառայությունն առավել դյուրին ու պատվով հաղթահարելու համար:**

- Պետք է զգոն լինես ամեն քայլափոխի և նվիրվես ընկերներիդ. նրանք քո եղբայրներն են: Երկու տարի նրանց հետ հաց ես կիսում, դիրքեր մեկնում, ուրախանում ու տխրում: Մի խոսքով՝ կյանքիդ երկու տարիները պիտի պատվով անցկացնես: Ինչպես ասում են, տասը չափես, մեկը կորես:

**- Ի՞նչ է հայրենասիրությունը՝ սե՞ր հայրենիքի հանդեպ, ազգային մտածելակերպ, թե՞ կեղծ ձևակերպում, որի մասին հաճախ բարձրաձայնում են հենց նրանք, որոնք խուսափում են բանակում ծառայելուց:**

- Հայոց բանակի բոլոր զինվորները արծիվներ են, որ պատրաստ են ամեն ինչի: Մեր հայրենիքը սկսվում է սահմանից: Մեր սահմանները անառիկ են, մեր մայրերը՝ ապահով: Մենք այստեղ ենք, որ արշալույսները խաղաղ լինեն մեր հայրենակիցների համար:

**- Ծառայությանը ընթացքում նկատե՞լ ես բանակի ուժեղ և թույլ կողմերը: Ի՞նչ է պետք մեր բանակին և սահմանի կանգնած զինվորին ուժեղ և վստահ լի-**

**նելու համար:**

- Գիտե՞ք, մեր բանակը ուժեղ է. իմ ընկերներն անպարտելի ոգի ունեն: Մենք պատրաստ ենք ամեն ինչի: Ես շատ գոհ եմ իմ հրամանատարներից. նրանք մեզ հասկանում են ու զնահատում:

**- Բանակային կյանքի կամ պատերազմների մասին ի՞նչ գիրք ես կարդացել: Ի՞նչ զգացողությամբ ես համակվել այդ գիրքն ընթերցելուց հետո:**

- Դպրոցում և Մանկավարժական համալսարանում շատ գրքեր են կարդացել: Հետաքրքիր էր Արցախի արծիվ Մոնթե Մելքոնյանի մասին պատմությունը: Նրա կյանքի դասերը վառ օրինակ են մեզ համար:

**- Որպես երաժիշտ՝ քո նպատար ձեր գործնասին, ինչ-որ առանձնահատուկ բան կհիշե՞ս:**

- Հրամանատարը հանձնարարել է գրել զորամասի զինվորական հիմնը: Արդեն ավարտել են: Երաժշտությունը ոգևորում է զինվորին, մարդկային հույզեր առաջացնում:

**- Մանկավարժական համալսարանում ստացած կրթությունն օգնո՞ւմ է թե՞ տարբեր իրավիճակներում կողմնորոշվելու համար:**

- Շատ հպարտ եմ, որ ավարտել եմ Մանկավարժական համալսարանը: Իմ դասախոսներն ինձ ոչ միայն գիտելիք են տվել, այլև մասնագիտական հմտություններ կյանքում ճիշտ կողմնորոշվելու համար:

**- Ի՞նչ խորհուրդ կտաս բանակային ծառայության մեկնելու պատրաստվող տղաներին:**

- Բանակը կյանքի դպրոց է: Այն կփուն է զինվորին, դարձնում հասուն

տղամարդ: Ես գիտեմ, որ Մանկավարժականի տղաները միշտ էլ առաջին գծում են եղել: Մենք հպարտ ենք մանկավարժի մեր կոչումով:

**- Ուրիշ ի՞նչ կուզես ասել...**


- Արցախը մեր ջքնաղ հայրենիքն է: Այն աչքի լույսի պես պիտի պահել ու պահպանել:

**Ջրույցը՝ Սիլվա ԱՄՐՅԱՆԻ**





**ՀՊՄՀ գիտական խորհրդի երաշխավորմամբ լույս է տեսել «Տեղեկատվական տեխնոլոգիաները տարրական դպրոցում» ուսումնասիրողական ձեռնարկը մանկավարժների և ծնողների համար: Ձեռնարկի համահեղինակներն են Աիդա Թովուզյանը, Զուլիխա Գյուլամիրյանը, Լուսինե Պողոսյանը, Լատիա Ասատրյանը, Լ. Անտոնյանը, Մ. Ղազարյանը: Ուսումնական ձեռնարկը կազմվել է երեխաների՝ համակարգչային կախվածության բացահայտման ուղղությամբ մանկավարժների, ծնողների և երեխաների հետ անցկացված ուսումնասիրությունների վերլուծության արդյունքների հիման վրա: մշակվել են համացանցային կախվածության հիմնական բնութագրիչները և ախտորոշման թեստը սահմանվել են կախվածության կանխարգելման կարգավորմանն ուղղված սոցիալ-մանկավարժական պայմանները: Տրված են դպրոցում ՏՀՏ-ի մանկավարժականացման գործընթացի համակարգման ու կուսվարման մոդելը, համակարգչային կախվածության կանխարգելմանն ուղղված օրինակելի դասեր, ծնողական ժողովների անցկացման սցենարներ: Ձեռնարկում տեղ են գտել նաև վերոհիշյալ թեմայի վերաբերյալ գիտական հոդվածներ:**



## ՏԵՂԵԿԱՏՎԱԿԱՆ ՏԵԽՆՈԼՈԳԻԱՆԵՐԸ ՏԱՐՐԱԿԱՆ ԴՊՐՈՑՈՒՄ

21-րդ դարը համակարգիչների, տեղեկատվական, հաղորդակցական ու խաղային տեխնոլոգիաների սրընթաց զարգացման ժամանակաշրջան է: Այսօր արդեն ՏՀՏ-երը գործածվում են կյանքի տարբեր ոլորտներում՝ ազդելով մարդկանց ֆիզիկական, հոգեբանական, հոգևոր գործընթացների վրա: Անառարկելի է, որ համակարգչային տեխնոլոգիաների զարգացմանը, խաղային ծրագրերի շուկայի ընդլայնմանը զուգահեռ՝ մեծանում է այն պատանիների ու երեխաների թիվը, որոնք տարված են համակարգչով և համակարգչային խաղերով: Այնուամենայնիվ, երեխաների զարգացման, սոցիալականացման վրա համակարգչի ազդեցության մասին այս ոլորտն ուսումնասիրող գիտնականների կարծիքը միանշանակ չէ, ավելին՝ հակասական է: Գիտնականների մի մասը պնդում է, որ համակարգիչն օգտակար է, մյուս մասը հերքում է այդ տեսակետը, երրորդ խումբն էլ, իրավամբ, պնդում է, որ դրա օգտակարությունը կախված է նրանից, թե ինչ նպատակով և ունի ձեռքում է գտնվում այն:

Հայտնի է, որ խաղը երեխայի կյանքն է, նրա զարգացման և սոցիալականացման հզոր միջոցը, սակայն, միաժամանակ, խաղերով տարվածությունը հղի է մի շարք վտանգներով: Մեծահասակների հասարակության պարտքն է կանխարգելել ու կարգավորել երեխաների համակարգչային և խաղային կախվածությունը: Նախ մե-

ծերը պետք է համոզված լինեն, որ իրենց օրինակը վարակիչ է և երեխաների համար ընդօրինակման հզոր միջոց է: Ուստի, այն, ինչ պահանջում ենք երեխաներից, նախ մենք պետք է ինքններս իրականանացնենք: Երկրորդ՝ հիշենք, որ երեխային որևէ բան արգելելն անօգուտ է, ուստի բոլոր այն հարցերը, որոնք վերաբերում են երեխայի կյանքին և առօրյային, անհրաժեշտ է քննարկել նրա հետ՝ փոխադասավորվածությամբ, երկուստեք համաձայնության պայմաններում: Երրորդ՝ երեխայի գիտակցությանը անհրաժեշտ է հասցնել, որ համակարգիչ ունենալը ոչ թե իրավունք է, այլ առավելություն, արտոնություն, ուրեմն՝ մեծերը կարող են, ավելին՝ պարտավոր են միջամտել դրանից օգտվելու պայմանները կարգավորելու հարցում, քանի որ նրանով տարվելը կարող է սպառնալ մարդու առողջությանը: Ուստի ինչպես ծնողի, այնպես էլ ուսուցչի պարտքն է երեխայի հետ պայմանավորվել համակարգչից օգտվելու կանոնների մասին, երեխայի հետ համատեղ մշակել դրանց օգտագործման պայմանները, ձևերը, բովանդակությունը և դրանից օգտվելու ժամանակը: Զորրորդ՝ պիտի հասնել նրան, որ երեխայի բոլոր գործողությունները լինեն գիտակցված, այլապես մեծակ մնալու դեպքում այդ պայմանավորվածությունները կարող են խախտվել: Հինգերորդ՝ ուսուցիչը և ծնողը պետք է գիտակցեն, որ իրենց համագործակցությամբ և միասնական աշխատանքով է

պայմանավորված ՏՀՏ-երից երեխաների կախվածության կանխարգելումը: Վեցերորդ՝ ուսուցիչը պետք է համակերպվի համաձևավորողի, ֆասիլիտատորի, իշխանությունը երեխայի հետ կիսելու իր դերերի հետ՝ գիտակցելով, որ ինքն այլևս գիտելիքի միակ և գլխավոր աղբյուրը չէ, նա ունի հզոր մրցակից՝ ի դեմս համակարգչի, համացանցի:

**«Տեղեկատվական տեխնոլոգիաները տարրական դպրոցում»** ուսումնամեթոդական ձեռնարկը բաղկացած է երեք գլխից: Առաջին գլխում, որը վերնագրված է «Տեղեկատվական-հաղորդակցական տեխնոլոգիաները և դրանց ազդեցությունները տարրական դպրոցում», վերլուծվում են իս. Աբովյանի անվան ՀՊՄՀ-ի մասնագիտական կրթության և կիրառական մանկավարժության ամբիոնին կից գործող Մանկության հիմնախնդիրներն ուսումնասիրող լաբորատորիայի կողմից անցկացված սոցիոլոգիական հետազոտության արդյունքները, ներկայացված են ՏՀՏ-երից դպրոցականների կախվածության հետևանքները, այդ երևույթի բնութագրիչները: Առաջարկված ախտորոշիչ թեստը ուսուցիչներին և ծնողներին կօգնի՝ բացահայտելու իրենց երեխայի համակարգչային կախվածությունը և այն որոշելու մակարդակները:

Երկրորդ՝ «Տեղեկատվական-հաղորդակցական տեխնոլոգիաների մանկավարժականացման գործըն-

թացի կառավարումն ու իրականացումը դպրոցում» գլխում ներկայացված են դպրոցի խորհրդի կառուցվածքը, կազմն ու գործառնությունը, համակարգչային կախվածության հայտնաբերմանը և կանխարգելմանը նպաստող դասերի նմուշ-օրինակներ, ծնողական ժողովների սցենար, ծնողական կրթության օրինակելի թեմատիկա:

Երրորդ գլխում, որն ունի «Ուսուցչի և ծնողի անկյուն» խորագիրը, զետեղված են լաբորատորիայի աշխատողների հողվածները երեխաների համակարգչային տեխնոլոգիական կախվածության, նրա կանխարգելման մասին, համակարգիչը, համացանցը բնութագրված են որպես ուսումնառության գործընթացի կատարելագործման, սովորողների ճանաչողական հետաքրքրությունների բավարարմանը միտված գործունեության ակտիվացման միջոց, տրված են ուսուցչին և ծնողին հասցեագրված խորհուրդներ, սեմինարների, կլոր սեղանի ժամանակ նրանց կողմից բարձրացված հարցերն ու դրանց պատասխանները:

Հեղինակային խումբը համոզված է, որ ցանկացած հարցում և իրավիճակում երեխայի դաստիարակությունը չի կարող արդյունավետ լինել, եթե ուսուցիչն ու ծնողը չհամագործակցեն, եթե դպրոցն ու ընտանիքը միմյանց չլրացնեն: Այս հիմնավորմամբ էլ ուսումնամեթոդական ձեռնարկում քննարկվող բոլոր հիմնախնդիրները դիտարկված են ուսուցչի և ծնողի միասնական աշխատանքի, սերտ համագործակցության համատեքստում՝ «այն, ինչ սկսվում է դպրոցում, պետք է իր շարունակությունը գտնի տանը, դպրոցն էլ պետք է տեղյակ լինի այն ամենից, ինչը իրականացվել է տանը» կարգախոսով:

Սույն ուսումնամեթոդական ձեռնարկը հասցեագրված է կրթության կազմակերպիչներին, ինֆորմատիկայի, ինչպես նաև տարրական դպրոցի ուսուցիչներին, ծնողներին, մանկավարժական բուհերի ուսանողներին, մեթոդիստներին, հիմնախնդրով հետաքրքրվող բոլոր անձանց:

Հեղինակային խումբը հուսով է, որ ձեռնարկը կնպաստի դպրոց-ընտանիք գործընկերային կապի ամրապնդմանը, տարրական դպրոցի հիմնախնդիրներով շահագործիչ բոլոր մասնագետների մասնագիտական զարգացմանը և ՏՀՏ-ից երեխաների կախվածության կանխարգելմանն ուղղված մեր բոլորի ջանքերի միավորմանը:

Աիդա ԹՈՓՈՒԶՅԱՆ

## ՄԻ ԵՐԳԻ ՊԱՏՄՈՒԹՅՈՒՆ

Տարիներ առաջ իս. Աբովյանի անվան հայկական պետական մանկավարժական ինստիտուտի մանկավարժության և տարրական ուսուցման մեթոդիկաների ֆակուլտետի 3-րդ կուրսի ուսանողները կուրսդեկ Զուլիխա Գյուլամիրյանի առաջարկով կազմակերպեցին Սիլվա Կապուտիկյանին նվիրված ցերեկույթ, որին հրավիրված էր նաև բանաստեղծուհին: Կապուտիկյանական ոգով ու շնչով հագեցած միջոցառման ընթացքում մի խումբ ուսանողուհիներ սիրելի Սիլվային մատուցեցին հաճելի անակնկալ. նրանք կատարեցին Կապուտիկյանի ամենահայտնի բանաստեղծություններից մե-

կը՝ «Թափառում ենք փողոցներում»-ը, որի համար երաժշտություն էր գրել նույն կուրսի ուսանողուհի Նարինե Պողոսյանը: Երգը բոլորի կողմից հա-

վանության արժանացավ, ընդունվեց շատ ջերմ, իսկ բանաստեղծուհին իր խոսքում ասաց, որ հույս ունի, որ երգը կծայնագրվի և ավելի մեծ լսարան



կունենա: Բայց դե դժվար ժամանակներ էին, ուսանողների համար՝ առավել ևս, երգ ծայնագրելն էլ՝ հեռավոր երազանք:

Մենք՝ հեռավոր տյունեցիներս, նույնպես մեր հարգանքի տուրքը մատուցեցինք մեծն բանաստեղծուհուն՝ կազմակերպելով հուշ- երեկո, որի ընթացքում էլ հնչեց այդ երգը: Մեր մշակույթի կենտրոնի ուսուցչուհի Լիանա Դոխոյանը հենց այդ կուրսից է եղել: Նա մեզ պատմեց երգի ստեղծման պատմությունը և ափսոսանքով նշեց, որ այն մնաց իրենց կուրսի «պատերի» մեջ և մի տեսակ իրենց հիմնն է դարձել:

ՀՊՄՀ 1997 թ. շրջանավարտներ, Տյունեցի հայկական դպրոցի ուսուցիչներ





Ռաշիդ Պատվականյանը ծնվել է Մեղրու շրջանի Շվանաձոր գյուղում, 1920 թվականին: Միջնակարգ կրթությունը ստացել է Երևանում, եղել է բարեխիղճ կոմերիտական, 1938 թվականին ընդունվել է Մանկավարժական ինստիտուտի լեզվագրական ֆակուլտետը, սովորելու ընթացքում պարգևատրվել է պատվոգրերով ու շնորհակալական թերթիկով:

1941 թ.-ին, երբ ֆաշիզմի հրոսակները բարբարոսաբար սկսեցին ավերացություններ անել, նա երրորդ կուրսից զորակոչվեց բանակ, սովորեց Լենինականի, այնուհետև Սուխումիի սպայական ուսումնարանում և անմիջապես մեկնեց գործող բանակ: Նա կռվում էր 10-րդ գվարդիական հրաձգային դիվիզիայի կազմում և իր վաշտի հետ միասին մասնակցեց Թերեք-Կուբան-Չապորոժիե գծի ազատագրմանը: Այստեղ ծանր վիրավորվում է, բուժվում Երևանի հոսպիտալում և անմիջապես մեկնում իր զորամաս:

## ՄԱՆԿԱՎԱՐԺԱԿԱՆԻ ՀԵՐՈՍ ՈՒՍԱՆՈՂԸ

ՀՊՄՀ թանգարանը հերթական անգամ հավաքում է իր հավաքածուն նոր տեղեկատվությամբ և առարկաներով: Այս անգամ թանգարանի ձեռքբերումն է ՀՊՄՀ թանգարանի ուսանող, Առաջին համաշխարհային պատերազմի մասնակցի Ռաշիդ Պատվականյանի ընտանիքի անդամների կողմից թանգարանին հանձնած նամակները՝ գրված ընտանիքի անդամներից, Մանկավարժական ինստիտուտի կողմից տրված ուսանողական գրքույկը, լուսանկարները և այլն:

1943 թվականի հոկտեմբերի 16-ին նա մորն է գրում իր վերջին նամակը, որից մի քանի օր անց հերոսաբար զոհվում է Չապորոժիեի մարզի Տոկմակսկի շրջանի Կոխանի գյուղի մոտակայքում և թաղվում տեղի եղբայրական գերեզմանոցում:

Ահա ևս մի կենսագրություն, որը պատիվ է բերում մեր համալսարանին:

Ռաշիդ Պատվականյանի անձնական իրերը կարելի է տեսնել ՀՊՄՀ թանգարանում:

## ԷՄՄԱ ԱՐՏԱՇԵՍԻ ԱԼԵՔՍԱՆԴՐՅԱՆ

Մահացել է մանկավարժական հոգեբանության ասպրեզում ճանաչված և մեծ ներդրում ունեցող գիտնական, միջազգային մի շարք հոգեբանական ընկերությունների անդամ Էմմա Արտաշեսի Ալեքսանդրյանը: 1956 թվականից հետո նրա կյանքի ընթացքը սերտորեն կապվել է Խ. Աբովյանի անվան հայկական պետական Մանկավարժական ինստիտուտի հետ:



Բժշկի և մանկավարժի ընտանիքում 1927 թվականին ծնված աղջկա կենսագրությունը տարիների հետ պիտի հարստանար կրթության ասպրեզի տարբեր ուղղությունների ուսումնասիրությամբ և հայրենիքում ու արտերկրում սեփական փորձի ներդրմամբ:

Միջնակարգ կրթությանը զուգահեռ ստանալով երաժշտական կրթություն՝ է. Ալեքսանդրյանը ընդունվել և գերազանցությամբ ավարտել է Երևանի Վ. Բրյուսովի անվան օտար լեզուների մանկավարժական ինստիտուտը: Աշխատել է մանկապարտեզի երաժշտական դաստիարակ, ապա անգլերեն դասավանդել դպրոցում: Աշխատանքային առաջին մակրտությունից հետո նա ընդունվել է Մոսկվայի Լենինի անվան մանկավարժական ինստիտուտի ասպիրանտուրան՝ նախադպրոցական մանկավարժություն և հոգեբանություն մասնագիտությամբ:

1956 թվականին հաջողությամբ պաշտպանելով թեկնածուական թեզը՝ նա դասախոսական աշխատանքի է անցել Խ. Աբովյանի անվան հայկական պետական Մանկավարժական ինստիտուտում՝ 1961-ին արդեն ընտրվելով բուհի նախադպրոցական մանկավարժության և հոգեբանության ամբոնի վարիչ:



1970 թվականին է. Ալեքսանդրյանը Մոսկվայում պաշտպանել է դոկտորական թեզ՝ դառնալով հոգեբանական գիտության գծով առաջին կին դոկտորը Հայաստանում:

1962-ին ստացել է դոցենտի, իսկ 1971-ին՝ պրոֆեսորի գիտական կոչումներ: 1972-ին արդեն նշանակվել է Բարձրագույն ատեստացիոն հանձնաժողովի անդամ՝ հոգեբանական գիտությունների գծով:

Նրա գիտական ժառանգության մեջ առանձնակի տեղ են գրավում վաղ օմտոգեներզում սենսոր պրոցեսների զարգացման առանձնահատկություններին նվիրված մենագրությունը, ծնողների համար հրատարակած գիրքը և մի շարք դասագրքերը, տարբեր երկրներում՝ Հայաստանում, Ռուսաստանում, Վրաստանում, Ուկրաինայում, Ֆրանսիայում, Անգլիայում, Գերմանիայում, Ճապոնիայում, Ավստրիայում, ԱՄՆ-ում, Չեխոսլովակիայում, Բուլղարիայում տպագրված ավելի քան 80 հոդվածները:

1988 թվականին Սպիտակի երկրաշարժի առաջին իսկ օրից բուհի նախադպրոցական մանկավարժության և հոգեբանության ամբոնին կից ստեղծվեց Հայաստանում առաջին հոգեբանական օգնության վերականգնման կենտրոնը: Հետագայում բազմաթիվ երկրների հոգեբաններ բարձր գնահատեցին կենտրոնում կիրառվող արդյունավետ մեթոդները և աշխատանքի արդյունքները, կենտրոնի մասին Անգլիայում և ԱՄՆ-ում նկարահանվեցին ֆիլմեր, իսկ հնուտ հոգեբանը արտերկրի տարբեր երկրներում հանդես եկավ գեկուցումներով: Հետագայում նա մասնակցեց տարբեր ծրագրերի, աշխատեց Չիկագոյում և այլուր:

Անվանի հոգեբանի վաստակը և մանկավարժական բուհում երկարամյա գործունեությունը գնահատվել է կառավարական ու տարբեր պարգևներով: 2011 թվականին նա արժանացել է ՀՊՄՀ «Խաչատուր Աբովյան» մեդալի՝ գիտության և կրթության ոլորտում ունեցած ակնառու ծառայությունների և համալսարանում ունեցած մեծ ավանդի համար: Բայց ամենամեծ գնահատանքն այն է, որ ուսանողները շարունակում են գիտնականից ստացած մասնագիտական որակները փոխանցել նոր սերնդին:

## Նկարչի արվեստանոցում` Նկարչի աչքերով

Հիշում եմ, երբ շատ փոքր էի, մտածում էի սեղանի մոտ, դիմացս դնում բաժակ և փորձում նկարել այն: Եվ գիտե՞ք ինչու էի այդպես անում, քանի որ ասում էին առաջին քայլս փորձեն անել փոքր, որպեսզի հետո հեշտ լինի: Իսկ երբ ստացվում էր նկարել գոնե բաժակի բռնակը՝ աշխարհը իմն էր լինում: Ընկնում էի երազանքների գիրկը. ես արդեն հայտնի նկարչուհի եմ, և ցուցադրվում եմ իմ նկարները: Որքան բան ունեն պատմելու իմ առաջին աշխատանքի մասին. բաժակիս... չէ, ավելի ճիշտ բաժակի բռնակի մասին:



Բայց հանկարծ մայրս գալիս է և վերցնում բաժակը, քանի որ դա պապիկիս սիրելի բաժակն է, նա միայն դրանով է գինի խմում:

Գիտե՞ք, ես միշտ էլ տխուր ժամանակ նկարել եմ: Հա՛, բայց խնդրում եմ չպատկերացնեք հեքիաթային ինչ-որ բան, դա ուղղակի խզբզոց էր: Բայց և այնպես ես միշտ նկարիմ մայելով, որքան էլ որ այն խզբզոց է եղել, գիտեի, թե կոնկրետ որ գիծը ինչ պատմություն ունի, հենց այնպես ոչինչ չէր արված:

Եվ մի անգամ էլ պատկերացրել էի ինձ իմ նկարչական արվեստանոցում: Նկարում էի շատ հանգիստ, բայց միևնույն ժամանակ շատ ագրեսիվ: Դե այնպես, ինչպես տեսել էի կինոներում: Բայց գիտե՞ք ինչով էր տարբերվում իմ արվեստանոցը կինոների մեջ տեսածիցս. ամենուր նկար-

ներ չէին, գեղեցիկ պատկերներ չկային, շատ չէին նկա այն «գործիքները», որոնք պետք է ունենա նկարիչը: Փոքրիկ է իմ սեմյակը, համեստ, պատուհանն քառակուսի չէ, այլ եռանկյունաձև, առաստաղը, ինչպես նաև պատերը փոքր-ինչ կորոնյուն ունեն: Ընդհանրապես նման չեն սովորական պատի կամ առաստաղի, և գիտե՞ք ինչու է այդպես, քանի որ նկարելու ժամանակ թղթին ես հանձնում այն ամենը, ինչ-որ դու ինքդ ես ապրում ու զգում. հույզերդ, ապրումներդ, ուրախությունդ ու տխրությունդ, այդ ներսումդ կուտակված փոթորիկը, քամին, մրրիկը և, ինչու չէ, պայծառ արևը և կապույտ, ամանապ երկինքը: Իսկ այ՛ նկարները, բոլորը պահված են աչ կողմի պահարանի մեջ: Երևի հետաքրքիր է, թե ինչու է այնտեղ, դա էլ ասեմ, քանի որ չեմ ուզում, որ մեկը մյուսին նման պատկերներ լինեն: Ուզում եմ, որ մայես և յուրաքանչյուրի մեջ առանձին պատմություն տեսնեմ, հուզումնք, ապրում, երջանիկ թույլ, ուրախ թրթռ, երազկոտ փոթորիկ սիրտ, խառնիճաղանջ հոգի և, վերջապես, ինձ տեսնեմ տարբեր ժամանակահատվածներում, փորձեմ հասկանալ ինձ:

Իմ փոքրիկ «տնակում» այնքա՛ն մաքրություն և անմեղություն կա: Միրում եմ, որ այնտեղ լինեմ միայն ես: Գիտե՞ք ինչու. երբ խոսում եմ՝ ճիշտ լինեմ թե սխալ, անկախ ամեն ինչից՝ ինձ սխալ հասկացող կամ քննադատող չկա: Դե, իհարկե, համա՛միտ եմ, կցանկանայի կողքիս լինեի հարազատ, հոգուս և սրտիս բարեկամ մեկը, ով կփորձեր գոնե մի փոքր դրությամս մեջ մտնել և կիսել այդ վայրկյանը:

Գիտե՞ք որքան հաճելի է ուրախ վազելով գալ, բացել դուռը. մի կողմից արևն է շողում, մի կողմից կտավն է ծյունաճեղման ժպտում, մատիտն է քաղցր ձայնով կանչում, դե, իսկ ճնճողակների մասին ավելորդ է խոսելը. նրանք գիտեն, թե երբ ինչ են երգում: Այնքա՛ն երջանիկ եմ զգում, որ ձեռքս չի կարողանում պարը թողնել և նկարել, միտքս բացի պարային շարժումից ոչինչ չի անում:

Բայց ահա լսվում է մի ձայն .

- Աստղիկ, հերիք է սեղանին քնես, կմրսես: **Աստղիկ ՂԱՐԱՔՆՅԱՆ**  
**Չարենցավանի պետական բուհի ուսանողուհի**

ՄԵՐ ՆԱՄԱԿԱՆԻՆ

# Օրվա խորհուրդը՝ հայկական ջերմ մթնոլորտում



Ամբողջ աշխարհում սփռված հայերի ու հայկական սփյուռքի համար կարևորագույն հաստատություններն են եկեղեցին ու դպրոցը, որոնք հայ ներկա և ապագա սերունդների ինքնության պահպանման ու ամրապնդման գրավականն են: Հունվարի 13-ին

Հին Նոր տարվա նախաշեմին ՌԴ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոցի սաներն անցկացրին արդեն ավանդույթ դարձած 31-րդ միջոցառումը՝ նվիրված Սուրբ Ծննդին: Ինչպես միշտ, այն անցկացվեց



Հունվարի 20-ին Մոսկվայում Հայաստանի դեսպանատանը գործող կիրակնօրյա «Վերածնունդ» դպրոցում կազմակերպվել էր հանդիպում նկարիչ, գծանկարիչ, դիզայներ և քանդակագործ, Հայկական մշակույթի զարգացման հիմնադրամի նախագահ Աշոտ Թադևոսյանի հետ: Դպրոցի աշակերտները ներկայացրին «Արև և սեր» մրցույթի շրջանակներում իրենց ստեղծագործական աշխատանքները:

## ԼՈՒՅՍ Ե ՏԵՍԵԼ

ՀՊՄՀ Սկզբնական կրթության ֆակուլտետի խորհրդի երաշխավորությամբ լույս է տեսել մանկավարժական գիտությունների դոկտոր, պրոֆեսոր Ջուլիետա Գյուլամիրյանի և Արմինե Միքայելյանի հեղինակած «Մանկավարժական պրակտիկան տարրական դասարանների ուսուցիչների պատրաստման համակարգում» ձեռնարկը: «Մանկավարժական պրակտիկայի հիմնական նպատակը տարրական դասարանի ուսուցչի մանկավարժական գործունեության ազատ և բազմակողմանի զարգացումն ապահովող բոլոր ձևերի միավորումն է ուսանողների մասնագիտական պատրաստ-



Ռուսաստանի և Նոր Նախիջևանի հայոց թեմի առաջնորդանիստ Սուրբ Պայծառակերպություն տաճարում:

Ներկաներին ջերմորեն ողջունեցին Ռուսաստանի Դաշնության և Նոր Նախիջևանի հայոց թեմի փոխառաջնորդ Տեր Հարություն աբեղա Կիրակոսյանը և Միքայել սարկավազ Փարսադանյանը: Հոգևորականները պատմեցին Սուրբ Ծննդի խորհրդի և հայկական ավանդույթների մասին, պատասխանեցին ներկաների հարցերին, այնուհետև հայերեն արտասանեցին «Հայր մեր» աղոթքը: Անշուշտ, Ռուսաստանի և Նոր Նախիջևանի հայոց թեմի առաջնորդ Տեր Եզրաս արքեպիսկոպոս Ներսիսյանի օրհնությունը, հուշանվերները, օրհնված ջուրը, ինչպես նաև իմաստուն քարոզը, արժեքավոր խորհուրդները դեռ երկար կմնան «Վերածնունդ»-ի սաների և նրանց ծնողների հոգիներում և հիշողություններում:

Այնուհետև Միքայել սարկավազ Փարսադանյանը հայրենակիցներին ծանոթացրեց հայկական եկեղեցական համալիրի գեղեցիկ և տոնական զարդարված տարածքի հետ, որից հետո ուղեկցեց նրանց Ռուսաստանի և Նոր Նախիջևանի հայոց թեմի «Տապան» թանգարանը, որի հոգևոր առաջնորդն է հայր Սեպուհ Ամիրյանը: Այնտեղ ևս կազմակերպվեց հետաքրքիր էքսկուրսիա, որը վարեց պատմաբան-կովկասագետ, էքսկուրսավար Արտյոմ Ենոքյանը: Հատկանշական է, որ թեմատիկ ձևավորված սրահների ցուցադրությունը և թանգարանի տեխնիկական հագեցվածությունը (տնօրեն, նկարիչ՝ Դավիթ Բաղդասարյան) հնարավորություն ընձեռեց Ա. Ենոքյանին՝ ինտերակտիվ կերպով ներկաների ուշադրությունը հրավիրելու առանցքային փաստերի վրա, որոնք կապված են հայ ժողովրդի հնագույն պատմության, մշակույթի և ավանդույթների հետ:



Միջոցառման վերջում «Վերածնունդ» հայկական կիրակնօրյա դպրոցի տնօրեն, մանկ. գիտ. թեկնածու Շողիկ Փաիկանյանի խնդրանքով աշակերտներն այցելեցին նաև Սուրբ Գրիգոր Նարեկացու անվան գրադարան, որտեղ պահվում է մոտ վեց հազար գիրք, այդ թվում՝ մանկական և անտիկ: Ընդ որում, մատենագետ և գրադարանի տնօրեն Արուսյակ Ավոյանն իր խոսքում նշեց, որ բոլոր մտուցները և պարբերականները խնամքով ընտրված ու դասավորված են չորս հիմնական ուղղություններով՝ եկեղեցական, հայագիտական, պատմական, գեղարվեստական:

Միջոցառման վերջում աշակերտներն ու նրանց ծնողները իրենց երախտագիտության խոսքը հղեցին միջոցառման կազմակերպիչներին ու աշակիցներին՝ իրենց հայկական գեղեցիկ, ջերմ ու տոնական օր պարգևելու համար:

ման ամբողջական գործընթացում», - ասվում է ձեռնարկի ներածության մեջ: Ուսումնառածանդակ ձեռնարկում ներկայացված են մանկավարժական բուհում պրակտիկայի բոլոր շրջափուլերի բովանդակությունը, խնդիրները և դրանց իրականացման ձևերը: Ներկայացված են նաև մանկավարժական պրակտիկայի բոլոր մասնակիցների գործառնությունների իրականացման ուղի-

ները: Նշված ցուցումները կարող են կիրառվել մանկավարժական բուհերի դասախոսների և ուսանողների, կրթական հաստատությունների ղեկավարների, պրակտիկայի պատասխանատուների, ուսուցիչների և, ընդհանրապես, կրթական ոլորտում աշխատող մանկավարժների կողմից:

**ՈՒՇԱԳՐՈՒԹՅՈՒՆ**  
Հեռակա ուսուցմամբ սովորող ուսանողների 2018-2019 ուստարվա 1-ին կիսամյակի ուսման վարձի գեղջի դիմումները համապատասխան փաստաթղթերով ընդունվում են հունվարի 8-ից փետրվարի 1-ը: